



Хайрат Жайлаугүл № 12 кәсіби лицейдің 2 курс студенті

Еліміздің қазіргі Елордасы – Астана. Бұл қала 1832 – жылдан 1961 – жылға дейін «Ақмола» деп аталған. Бұрын V – VI ғасырларда Есіл өзенінің жағасында аққайрақ тастан әдемілеп жасалған мола болған. Сол ақ мола өлкенің атына айналып, салынған қала «Ақмола» деп аталған. 1954 – жылдан бастап, Қазақстан жерінде тыңның көтерілуіне байланысты, ол «Целиноград» атанды.

Елбасымыз Нұрсұлтан Әбішұлы пікір алмасулардың бірінде: «астананы Алматыдан Ақмолаға көшісек» деген ұсыныс айтты. Елбасы өз ойын жалғастырып, жаңа астана жобасын ортаға салды. Ақыры 1994 жылы 6 – шілдеде Жоғары Кеңес астананы көшіру туралы заң қабылдады. Жаңа астана жобасы – мемлекеттік идеяның құрамды бөлігі ғана болып қалған жоқ. Мемлекеттік, ұлттық идеяның өзегі болды. Президент астана идеясын мемлекеттің тұғырына айналдырды. Астана өркендеуі мен мемлекет нығайуы бірін – бірі толықтырып, идея, ой, әрекет, шешім, даму жолымен алға жылжу – ел бірлігін қамтамасыз етудің ұтқыр ұстанымды болды. 1997 – жылы Президент Жарлығымен Президент кеңесі, Қазақстан Республикасы Үкіметі және Парламенті Ақмолаға көшті. Ал 1998 – жылдан бастап «Ақмола» қаласы, «Астана» деп атала бастады.

Астана – Қазақстанның солтүстік аймағындағы Есіл өзені оң жағалауында, Сарыарқаның солтүстік бөлігінде орналасқан.

Астананы көшіру жобасы жарияланған тұста қоғамда, елде толып жатқан күмәнді сұрақтар туындады. Сол сауалдарға ең үлкен жауап – Астананың ғажайып ертегінің қаласындай болып сыланып, салтанат құрып, көрікті ортамызға айналғанында. Астанаға зейін қойып, көз салған кез келген адам сүйсінер келбет бетті. Астана – Қазақстанның бүкіл өміріне бұрын - соңды болмаған елеулі өзгерістер әкелді. Астана «Ақмола» деп аталып жүргенде, бір жарым ғасырдан астам мерзімде тұрғындардың саны 280 мыңға жетті. Кейін Астана мәртебесі берілуіне байланысты жоғары қарқынмен өсіп, 5 жылда 500 мыңға жетті.

Жаңа Астана құрылысы экономикалық реформалардың жаңа қарқынмен жүргізілуіне түбегейлі серпін береді. Рухани сілкініс

[Введите текст]

жасады. Солтүстік Қазақстан өңірі ежелгі қазақ жері екендігі ешкімге ешнәрсе дәлелдеп жатпастан, жұрттың санасында тұрақтанды. Бұрынғы ескі қаланың көзге түсер ғимараттары өзгеріп, жаңа сипат алды. Астана – Қазақстанның өнеркәсіп және мәдени ошақтарының бірі. Қаланың кәсіпорындары ауылшаруашылық машиналарын, сантехникалық бұйымдар мен электр тетіктерін, үй құрылысына қажетті темір – бетон құрамаларын, тұрмыстық химия заттарын, тоқыма маталарын шығарады.

Қазір Астанада көптеген құрылыс жұмыстары жүріп жатыр, көптеген ғимараттар салынуда. Көрнекі көшелердің бірінде Төле, Қазыбек, Әйтеке билердің ескерткіштерін кездестіруге болады. Қаланың қай бұрышына барсаң да қабырғасы қаланып, төбесі жабылып жатқан, сыңғырлаған ғимараттар мен тұрғын үйлер бой көтеруде. Еуропалық үлгіде сырты қапталып, айналы әйнектермен безендіріліп, әсемдене түскен. Орталық көшелердегі бұрынғы көп қабатты тұрғын үйлерді қазір тану қиын. Астана – Нұрсұлтан Назарбаевтың бастамасымен, қажыр – қайратымен, беделімен, бақылаумен салынған қала. Елордамыз – аса ірі оқу – ағарту орталығы. Мұнда халық шаруашылығының сан саласында еңбек ететін жоғары және арнайы орта білімді мамандар даярлайды. Қалада қырықтан астам орта мектептер, колледж – лицейлер, училищелер, дәрігерлік институт, аграрлық университет, Гумилев атындағы Еуразиялық университет, құрылыс инженерлер институттары, М.Горький және С.Сейфулин атындағы үлкен кітапханалар, қазақ және орыс драма театрлары, мәдениет сарайлары, С.Сейфулин атындағы өлкетану және өнер мұражайлары үздіксіз жұмыс істейді. Бұлардан басқа ондаған арнаулы орта және жалпы білім беретін оқу орындары, кинотеатрлар, бірнеше мәдениет сарайлары халыққа мәдени қызмет көрсетеді. Астана халқының өсуіне орай көлік түрлері де көбейе түсуде. Астана еліміздің оңтүстігі мен солтүстігін, шығысы мен батысын байланыстыратын аса маңызды әуе, автомобиль және темір жол торабында орналасқандықтан, Қазақстанның басқа қалаларымен, шет елдермен қарым – қатынастары жақсы.

Бүгінгі Астана – біздің қоғамдық санамызда, халықаралық қарым – қатынаста мемлекетіміздің өркендеуінің рәмізі ретінде қабылданды.

Астана мен Президенттің есімі ел назарында екі егіз ұғым болып қалыптасты. Тәуелсіз Қазақстанның жаңа Астанасының шаңырақ көтеруі – еліміздің тұңғыш Президентінің қазақ мемлекеттігін қуаттандыру жолындағы теңдесі жоқ дәуірлік ерлігі деуге болады. 2008 – жылы 6 – шілдеде еліміздің кіндігі, Сарыарқа төсіндегі Елордамызға 10 жыл толды.

Осынау тарих үшін қағым сәтте қазақ елінің бас қаласы жайнай түсті, әлемдегі ең көрікті шаһарлардың біріне айналды. Елорда елінің Тұңғыш Президенті Нұрсұлтан Әбішұлы Назарбаевтің тікелей басшылығымен қанат

[Введите текст]

жаюда. Күн сайын, тіпті сағат сайын гүлдене түскен Астана – барлық қазақстандықтар мақтанышы жаңа әлемдегі Жаңа Қазақстанның басты көрінісі, қол жеткен табыстарымыздың басты бейнесі де – Астана.

Астана күнінің Елбасының туған күнімен сәйкес келуінің өзінде де үлкен мән – мағына бар. Бас қаланың бүгінгісі керемет, болашағы бұдан да зор, жарқын болса, Елбасының алға ұсынған «Қазақстан - 2030» сын шеңберінде атқарылған және атқарылатын істер де ұшқан - теңіз.

Халықтың сенімін атқарып та, ақтап та келе жатқан, жаңа дәуірдегі жаңа Қазақстанның жаңа Астанасын ашқан, оны өркендеткен тұлға – еліміздің Тұңғыш Президенті Нұрсұлтан Әбішұлы Назарбаевтың еңбегіне куә болған халық оған лайықты бағасын бере алары да хақ.

Президент Нұрсұлтан Назарбаев мемлекет құрылымдарының күретамырларын сауаттылықпен жүргізе алатын білікті, тәжірибелі адамдардан мемлекеттің жауапты, жоғары лауазымды қызметкерлерін іріктеп, оларды мемлекет ісіне ұйымдастыруға айырықша күш салды. Сонымен бірге, батыл түрде билікке талантты жастарды ғалымдарды, кәсіпкерлерді, бизнес адамдарын тартты, сенім көрсетті. Әрине, кемшіліксіз, қателіксіз де болған жоқ. Қателіксіз болдым деп ешқайсысы да айта алмас. Бұл да табиғилық. Жас мемлекет Президенті Нұрсұлтан Назарбаев өзінің мемлекетті басқару стратегиясы мен тактикасында қоғамда болып жатқан әр түрлі қайшылықтар мен елдің бірлігіне, тұтастығына нұқсан келтіретін құбылыстарды дер кезінде сараптап, жарамдысын жалғастырып, жарамсыз дегенінен дереу арылып, дұрыс жол таңдауға айырықша мән берді. Әлемнің ең дамыған елдерімен жіті қарым – қатынас қалыптастыруға, көршілес, іргелес елдермен татулық жағдайында, елдің аралас – құраласында мейлінше ашық, еркіндік жағдай туғызылуына пәрмен берілді. Нұрсұлтан Назарбаев мемлекеттік даму бағытында дүниежүзілік тәжірибенің ең озық үлгілерін зерттеп, бағамдай отырып, олардың бізге сәйкес келетін әдістерін ескеріп, ешкімнің де жолымен емес, өз елімізге тән, біздің ұлттық ерекшелігімізбен, болашақ мақсат, дамуымыздың кезеңдерін айшықтай алатын қазақстандық жол таңдау қажеттігіне мемлекетіміздің алғашқы күндерінен бастап айырықша мән берген. Сол мақсатты жүзеге асырды да. «Астана» жобасы осы стратегиялық дамудың бел омыртқасы болды. Қазақстандық жолдың ең үлкен даңғылы – ұлтаралық келісім, түсіністік, бірлік құндылықтарының сақталып, елдің дамуына оң ықпалын қалыптастыру еді.

Осы маңызды салаға үздіксіз назар аударып, осы мемлекеттік, ұлттық идеология дәрежесіне көтере алғанының нәтижесінде біздің еліміз үшін ең қымбат құндылық – ұлтаралық татулық орнықты, ел бірлікте болды. «Астана» жобасының тиімділігі, ақталғандығы туралы ондаған, жүздеген деректі

[Введите текст]

кітаптар жазылды. Астананың сәні сәулетті мен ажары асқақтаған әуендер мен талғақты жырларға арқау болды. Әлемнің әр бұрышынан келген дүниенің асыл ғажайыптарының талайын көрген, ешнәрсеге таңғала қоймайтын шетелдік саметкерлер, дипломаттар, әр түрлі маман иелері Астана құрылысын ХХІ ғасыр жаңалығы деп таныды. Астана құрылысы – Президент Нұрсұлтан Назарбаевтың күнделікті еңбегі. Ол тіпті, аса маңызды ғимараттарды тек ұсыныстарды идея ретінде ғана айтып қоймай, олардың кейбіреуінің сұлбасын, жалпы келбетін де өз қолымен сызып берген. Жаңа қаланың негізгі бөлігі, яғни құрылыс нысандарының 80 пайыздан астамы мемлекеттік бюджетінің қатысуынсыз, шетелдік, отандық инвесторлардың қаржысына салынды. Жаңа Астана бұрыңғы Целиноград пен Ақмоланың жабысқақ саз балшығынан оралып, өркениет өріне бет алды. Алыс – жақын елдердің басшылары – Президенттер, Корольдер, Парламет мүшелері, Премьерлер, Астана феномені қызықтырғын зерттеушілер, сарапшылардың көпшілігі Астана қаласының құрылысын дүние жүзіндегі елеулі оқиғаға балап, сол қаланың бас сәулетшісі – Қазақстан Президенті дегенді салмақпен айтқан.

Президентіміздің: «Астананы құру – ұлттық тарихтың жаңа мәтінін жазу. Мұндай мәртебе әр ұрпақтың маңдайына бұйыра бермеген. Екі мыңжылдықтың тоғысында біз шешім қабылдап, Еуразияның жүрегінде іс жүзінде жаңа астана құрдық», - деген сөзі, ұлы тарихы оқиғаның шежіресінің басталғандығын білдіреді.

Астана мен Президент,
Егіздей болып бірлескен!
Өркендеген еліміз,
Астананы аялап!
Құрылысын ойлаған
Басшы біздің Нұрсұлтан
Әбішұлы ағамыз!
Ұлтымызға құт берген.
Еліміздің дәстүрін
Сақтап жүрген қазағым,
Тәуелсіздігі елімнің
Желтоксанда тойланған!
Еліміз тыныш болсын,
Астана өсе берсін,
Елімізде бірлік болып,
Басшы елмен бірге болсын!